

Գերարգելոյ և գերխմաստի տեսան տեսան

Միխրարայ Արբայի

Յայտ առնեմ բազմաւ սիրով, ի փետրուարի 13, մայրն իմ անկաւ ի մահիճս ծանր ցաւազնութեամբ և տազնապիւն յոյժ՝ ոչ ունելով զհանգիստ: Ի չորրորդում առաւօտոյն՝ մինչ հայցէի ներ պատարագին այցելութիւն իմն ի Տեառնէ, իսկոյն եկն ի միտ իմ արազահաս օգնութիւն սրբոյն Փիլիպոսի Ներէի և աւարտեալ զպատարագն՝ դարձայ փութով ի տուն, և պատմեցի համառօտաբար մօր իմոյ զերիս կամ զչորս հրաշս բժշկականս ի նոյնոյ սրբոյն արարեցեալս, որովք բորբոքեցաւ դէպ առ նա ջերմնաւանդութեամբ: Յետ յայտորիկ ծարաւեցեալ խնդրեաց զչուր, առ ժամայն բերեալ զմասնիկ սրբոյն՝ զոր ունէի, շօշափեցի նովաւ զչուրն բաժակին, և մատուցի ասելով. Նախ ասա զմի հայր մեր և ողջոյն, և ապա յանձն արա զքեզ հոգաբարձութեան սրբոյն, հայցելով զի լինիցի վերականցու քեզ ի նեղութեան քում և օգնական, զի թէ օգտակար իցէ քեզ ապրիւն ժամանակ ինչ և հաճոյ կամացն Աստուծոյ՝ ընկալցի միջնորդութեամբ իւրով վասն քո՝ զչնորհն առողջութեան փութով. բայց թէ հաճոյ իցէ տեսն՝ կոչել այժմ զքեզ առ ինքն, ընկալցի նոյնպէս միջնորդութեամբ իւրով՝ զչնորհն այն փութով: Չայս լուեալ՝ կալաւ զբաժակն ի ձեռին, արար զայն ամենայն՝ ջերմեռանդ սրտիւ և էարբ հաւատով: Իբր էանց ժամ մի, սկսաւ քրտնիլ, որով եղև զիւրութիւն մեծ և հանդարտեցաւ փոքր ինչ ի վշտալի տառապանացն, և յուտով առողջութեան էկաց աւուրս Ե, և երեկոյն այնորիկ եկն Սուգիաս Եպոսն. այց առնել զնա, և խոստովանեցուցեալ միխրարեաց բանիք ոգևորականօք և գնաց: Արդ ի գիշերին այնմիկ կացի ես առ նմա ի ծառայել, և ի չորրորդ պահու գիշերոյն ասէ ցիս. Տուր ինձ զխաչն՝ յորում իցէ մասն սրբոյն: Իբրև մատուցի կալաւ երկոքումք ձեռօքն, համբուրեաց երիցս, եղ ի վերայ աչացն և երեսացն ասելով. Սուրբդ Աստուծոյ հաս ինձ օգնութիւն ի նեղութեան իմում, և տուր ինձ հանգչիլ սակաւ մի քնով, զի ոչ կարեմ այլևս դիմանալ: Չայս ասացեալ ետ ինձ զխաչն և ընկողմանեցաւ: Ի մէջ գիշերին էկաց առ նմա տէր Օհանն ի ծառայել, և ես գնացի ի ննջել: Իննեբորդ ժամուն խնդրեալ զսակաւ մի ապուր և կերեալ է ձեռամբ տէր Օհանին: Մետասանին՝ հայցեալ է զանօթ օրհնեալ ջրոյն, համբուրեալ մեծաւ ջերմեռանդութեամբ և մատամբ իւրով սրսկեալ է զղէմն, զկոկորդն և զկուրծն, և տուեալ զանօթն՝ ընկողմանեալ է ասելով. Յիսուս, Մարիա, և այլն, քանի մի անգամ: Յետ պահու միոյ աղաղակեալ է. Հասիբ տէր Օհան, զի մեռանիմ աւասիկ: Եւ նա դիմեալ առ նա ասելով. Չի՞նչ խնդրես. ասացեալ է թէ կալ զծածկոցն զի դառնայցեմ ընկողմանիլ առ միս կողմն. զկնի դառնալոյն կացեալ սակաւ ինչ՝ աւանդեալ է զհոգին իւր ընդ լուսանալ շաբաթուն, խաղաղական մահուամբ ի ձեռն ստեղծողին իւրոյ: Եւ ընդ լուսանալ միաշաբաթին՝ բարձին զնա և տարան յեկեղեցի Հոգւոյն Սրբոյ, ուր զկնի պատարագացն՝ թողեցին առաջի սեղանոյ երանեցեալ կուսին: ...

Գերարգելութեան քում Նուաստ ծառայ

Գրեցաւ 1726
Ի Մարտի 9

Յօնան Եպոս. Սեպաստիոյ

L.

Թէ՛ քաղաքական և թէ՛ հայ եկեղեցական պատմութեան մասին հետաքրքրական անցքեր կը պարունակէ Վարդերեսեան Հ. Միքայէլ Վ. Սերաստացւոյ հետեւեալ նամակը: